



Služba za društvene djelatnosti i poslove mjesnih zajednica

Broj: 07-sl./20
Ilijaš, 22.06.2020.godine

STRUČNA SLUŽBA OPĆINSKOG VIJEĆA I
OPĆINSKOG NAČELNIKA

**ODGOVORI NA VIJEĆNIČKA PITANJA I INICIJATIVE
SA 42. SJEDNICE OPĆINSKOG VIJEĆA ILIJAŠ
održane 28.05.2020.godine**

Ilijaš, juni 2020.godine

Ul. 126. Ilijaške brigade br. 6, 71380 Ilijaš
Tel. ++387 33 580-620, 580-690, fax, 400-505,
Transakcijski račun kod VAKUFSKE BANKE, d.d. Sarajevo: 1602000000710645
e-mail drustvenedjelatnosti@ilijas.ba



Broj certifikata: CRO20063Q

Inicijativa:

Podnosim inicijativu prema nadležnoj općinskoj Službi da se poduzmu aktivnosti u pogledu uređenja (osvjetljenja) školskog dvorišta kod Osnovne škole "Hašim Spahić" Ilijaš.

Obrazloženje:

S obzirom da je školsko dvorište kod Osnovne škole "Hašim Spahić" Ilijaš neosvjetljeno, a u večernjim satima na tom mjestu se često pojavljuju "sumnjiva" lica koja konzumiraju razna nedozvoljena sredstva. Da bi se poboljšala sigurnost učenika škole, samog školskog objekta, ali i građana MZ-e Ilijaš Grad, uređenjem i osvjetljenjem školskog dvorišta kod Osnovne škole "Hašim Spahić" Ilijaš, trajno bi se riješio navedeni problem. Na zemljanoj površini koja se nalazi iznad školskog igrališta, nalaze se četiri bandere koje su prije osvjetljivale nekadašnji teren sa umjetnom travom, kojom je upravljala Sportska akademija Ilijaš, te bi one mogle biti od pomoći prilikom iznalaženja rješenja za osvjetljavanje školskog igrališta.

Odgovor:

Prihvata se inicijativa vijećnika Adema Alića. U 2020.godini inicijativa neće moći biti realizovana jer rekonstrukcija ove plohe kao i njeno osvjetljenje nisu planirani Operativnim planom i Budžetom općine Ilijaš.

Činjenica je da trenutno stanje plohe ne zadovoljava minimum uslova za bavljenje sportskim aktivnostima. Općina Ilijaš planira temeljitu rekonstrukciju ovog igrališta u naredne dvije godine.

Nedavno usvojenim izmjenama Regulacionog plana Banovac ova sportska ploha je zadržana u izvornim dimenzijama sa planiranim popločanim pristupom iz pravca Gradske toplane za što je u saradnji sa Elektrodistibucijom Sarajevo potrebno izmjestiti postojeću trafo stanicu. Regulacionim planom planirana je izgradnja i parking prostora iznad postojeće sportske plohe, na mjestu nekadašnjeg terena sa umjetnom travom.

Sve navedeno, uključujući i rekonstrukciju sportskog terena će biti predmetom izrade jednog sveobuhvatnog izvedbenog projekta. Planirana rekonstrukcija sportske plohe će obuhvatiti izradu tartan podloge, rasvjetu terena, uređenje tribina, ograđivanje igrališta, nabavku modernog mobilijara i sportskih rekvizita. Općina Ilijaš u ovoj godini planira uraditi Glavni projekat rekonstrukcije i uređenja sportske plohe koji će pokazati vrijednost potrebnih radova, kako bi u Budžetu općine za 2021.godinu mogli planirati sredstva za izvođenje radova.

Obzirom da će za navedene radove biti potrebno obezbijediti značajna finansijska sredstva, očekujemo da se radovi neće moći izvesti u jednoj budžetskoj godini, ali se iskreno nadamo da će gradsko jezgro Ilijaša za dvije godine dobiti jedan moderan, reprezentativan sportski sadržaj kakav zaslužuju mladi Ilijaša.